

Afreksstefna Karatesambands Íslands 2018 – 2021

Inngangur

Karateíþróttin er að mestum hluta stunduð í félögum á höfuðborgarsvæðinu og eru félögin í dag Karatefélagið Þórshamar, Karatefélag Reykjavíkur og karatedeildir Breiðabliks, Fylkis, Hauka, Víkings, Fjölnis, Aftureldingar og ÍR. Utan höfuðborgarsvæðisins er karate stundað hjá Karatefélagi Akraness, Akranesi, Karatefélagi Suðurlands, Selfossi, Karatefélagi Akureyrar, Akureyri, Karatefélagi Vestmannaeyja, Vestmannaeyjum. Einnig á Grundarfirði, Eskifirði og í Neskaupsstað. Karateíþróttin hefur verið í örum vexti undanfarin 30 ár. Á Íslandi eru stundaðir að mestu 4 stílar karate, og hefur það áhrif að nýtingu á þjálfurum. Þ.e. það er ekki eins auðvelt að samnýta þjálfara á milli karatestíla. Nokkur félög hafa farið út í það að sækja kennara erlendis frá og hefur það reynst mjög vel. Það er hins vegar mjög kostnaðarsamt og ekki allir sem hafa ráð á því.

Framkvæmd

Stjórn KAÍ í samstarfi við landsliðsnefnd fer yfir afreksstefnun KAÍ í upphafi árs. Uppfærð afreksstefna er lögð fyrir Karateþing í febrúar ár hvert til kynningar, umræðu og samþykktar. Að þingi loknu er Afreksstefnan uppfærð á heimasíðu KAÍ.

Markmið

Markmið Karatesambands Íslands fyrir afrek á erlendum vettvangi er eftirfarandi: Að stefna að því að eiga keppendur í átta manna úrslitum á Evrópu- eða heimsmeistaramótum og eiga keppendur í verðlaunasætum á sterkum eða millisterkum alþjóðlegum mótum. Þetta á hvoru tveggja við um unglunga og fullorðins keppendur.

Veikleikar/Styrkleikar

Það sem háir íþróttinni á landsvísu er fyrst og fremst þjálfaraskortur. Nánast allir þeir þjálfarar sem eru hærra gráðaðir (svart beltí eða hærra) eru búsettir á höfuðborgarsvæðinu. Kostnaður er einnig mikill við þátttöku á mótum erlendis.

Landsliðsþjálfarar

Landsliðsþjálfarar þurfa að hafa staðgóða þekkingu á karate með keppni í huga. Hafa lokið þjálfaranámi ÍSÍ eða með sambærilega menntun. Erlendir þjálfarar sem koma til landsins hafa mikla keppnisreynslu og hafa starfað sem þjálfarar afreksmanna í karate. Þjálfarar landsliðanna eru hvattir til að afla sér aukinnar þekkingar í íþróttinni og öðrum þáttum afreksíþróttar. Haldin eru þjálfaranámskeið fyrir félagsþjálfara þar sem áherslur og markmið landsliðsþjálfara eru útskýrð.

Aðstaða

Íþróttina er hægt að stunda við mjög einföld skilyrði þ.e. aðstaða í flestum íþróttasölum landsins er fullnægjandi. Karatesambandið er ekki með eigin aðstöðu til æfinga fyrir landsliðin en hefur leitað til karatefélaga og –deilda með æfingaaðstöðu. Flest þeirra eiga nú viðurkennda keppnisvelli sem nýtast við æfingar.

Mótahald

Lengst framan af voru aðeins fá mót sem iðkendur gátu keppt á. Með tilkomu nýrra móta sem KAI hratt af stað, þ.e. Bikarmótaröð fullorðinna sem eru 2-4 yfir árið og var farið af stað með árið 1996, sem og bikarmótaröð unglunga (12-17 ára) sem fyrst var keppt á árið 2006, hafa keppendur öðlast mun fyrir keppnisreynslu sem þeim er svo nauðsynleg þegar komið er á erlend mót.

Sífelld stækkandi hópur íslenskra keppnismanna hefur sótt alþjóðleg mót undanfarin ár og náð þar ágætis árangri. Yngri keppendur eru farnir að sækja alþjóðleg mót í mun ríkari mæli, og verða þannig mun betur í

stakk búin til að ná árangri á erlendri grundu en áður hefur þekkt.

Afrek

Afrek telst vera að komst í fimm manna úrslit á sterkustu opnu alþjóðamótunum, svo sem Opna enska, franska, þýska, hollenska o.s.frv, 1-3 sæti á millisterkum mótum, þar með talið Norðurlandamót, í átta manna úrslit á Evrópumótum og 16 manna úrslit á heimsmeistaramótum, hvort sem um er að ræða unglingamót eða fullorðins.

Hvernig á að ná þessum markmiðum

- Innan KAÍ skal starfa Landsliðsnefnd, valin af stjórn KAÍ, til að halda utan um landsliðsmál.
- Það skulu vera starfandi landsliðsþjálfarar bæði fyrir Kata- og Kumite lið.
- Landsliðsþjálfara þurfa að hafa skipulagðar landsliðsæfingar allan ársins hring, bæði opnar og lokaðar.
- Það þarf að búa til landslið, bæði unglínga (14-17 ára) og fullorðins (18+). A og B landslið og svo C hóp sem eru kándídatar í A og B (nánar um landslið hér síðar).
- Senda á keppendur frá u.þ.b. 14 ára aldri á alþjóðleg mót þannig að þau öðlist þá keppnisreynslu sem til þarf til að ná árangri á erlendri grundu. Unglingalandslið fari utan í keppni a.m.k. 2 sinnum á ári og fullorðins 3 sinnum.
- Stefnt er að því að þeir einstaklingar sem eru valdir í A landslið, hafi aðgang og vinna með sérfræðingum á sviðum líkamsuppbyggingar, næringarfræði og heilsuverndar.
- KAÍ getur styrkt unga keppendur til að sækja alþjóðleg mót þótt ekki séu þeir komnir í landslið enda hafi þeir sýnt metnað og mætt á opnar landsliðsæfingar KAÍ eftir þeim viðmiðunum sem landsliðsnefnd setur hverju sinni.

Skipulag

Karatesamband Íslands fer með málefni íþróttarinnar gagnvart ÍSÍ og er aðili að Norræna karatesambandinu (NKF), Karatesambandi Smáþjóða í Evrópu (SSEKF), Karatesambandi Evrópu (EKF), Alþjóða karatesambandinu (WKF) og er viðurkennt af Alþjóða Ólympíunefndinni, IOC. Landsliðsþjálfari í samvinnu við landsliðsnefnd ber ábyrgð á að fylgja stefnu sambandsins í þeim málum sem honum er úthlutað. Hann sér um að undirbúa keppendur fyrir þau verkefni sem á undan hafa verið talin og ná þeim markmiðum sem koma fram í afreksstefnunni. Val á keppendum er undir honum komið og vinnur hann í samvinnu við landsliðsnefnd KAÍ hverju sinni.

Landsliðshópur

Til að komast í landslið Íslands í karate þurfa keppendur að hafa fengið boð frá landsliðsþjálfara. Landslið,

Landsliðsþjálfarar velja í landsliðshóp.

Keppandi mætir a.m.k. á 70% skipulagðra samæfinga á vegum landsliðsnefndar á hverju misseri. Keppandi stenst þolprófi sett af landsliðsþjálfara.

Keppandi vinnur sjálfstætt í æfinga- og keppnisáætlun sinni og fer reglulega yfir hana með landsliðsþjálfara/landsliðsnefnd.

Verkefni 2018-2021

Hér eru upptalin þau verkefni sem stefnt er að ef fjárhagur leyfir og keppendur hafa sýnt árangur sem uppfyllir skilyrði til þátttöku í erlendum verkefnum. Verkefni geta fallið niður ef ekki er til nægilegt fjármagn.

Verkefni 2018

Tvö opin mót á norðurlöndum	900 þús.
Norðurlandameistaramót, í Finnlandi	2.000 þús.
Evrópumeistaramót unglínga, í febrúar í Rússlandi, 2-4 keppendur.....	0 þús.
Evrópumeistaramót fullorðinna, í maí í Serbíu, 1-4 keppendur	500 þús.

Heimsmeistaramót fullorðinna, í október í Madrid,	500 þús.
Smáþjóðamót Evrópu í karate í september í San Marino.....	2.000 þús.
Opin mót í Evrópu 1-4 keppendur	1.500 þús.
Reykjavík International Games – Karate	800 þús.
Áætlaður heildarkostnaður fyrir 2018 er	8.200 þús.

Verkefni 2019

Tvö opin mót á norðurlöndum	900 þús.
Norðurlandameistaramót, Litháen	2.500 þús.
Evrópumeistaramót unglínga, í febrúar í Danmörku, 2-4 keppendur.....	800 þús.
Evrópumeistaramót fullorðinna, í maí í Spáni, 1-4 keppendur	700 þús.
Smáþjóðamót Evrópu í karate í október í Reykjavík	2.000 þús.
Opin mót í Evrópu 1-4 keppendur	1.500 þús.
Reykjavík International Games – Karate	800 þús.
Heimsmeistaramót ungmenna í október	700 þús.
Áætlaður heildarkostnaður fyrir 2019 er	9.200 þús.

Verkefni 2020

Tvö opin mót á norðurlöndum	1.000 þús.
Norðurlandameistaramót, Noregi	2.500 þús.
Evrópumeistaramót unglínga, í febrúar Ungverjalandi, 2-4 keppendur.....	800 þús.
Evrópumeistaramót fullorðinna, í maí í Azerbaijan, 1-4 keppendur	800 þús.
Smáþjóðamót Evrópu í karate í október í Lichtenstein.....	2.500 þús.
Heimsmeistaramót fullorðinna, í október,	800 þús.
Opin mót í Evrópu 1-4 keppendur	1.500 þús.
Reykjavík International Games – Karate	900 þús.
Áætlaður heildarkostnaður fyrir 2020 er	10.800 þús.

Verkefni 2021

Tvö opin mót á norðurlöndum	1.000 þús.
Norðurlandameistaramót, í Eistlandi	2.800 þús.
Evrópumeistaramót unglínga, í febrúarí Finnlandi,	1.000 þús.
Evrópumeistaramót fullorðinna, í maí í Tyrklandi,	800 þús.
Smáþjóðamót Evrópu í karate í október,	2.500 þús.
Heimsmeistaramót ungmenna í október	800 þús.
Opin mót í Evrópu 1-4 keppendur	1.500 þús.
Reykjavík International Games – Karate	1.000 þús.
Áætlaður heildarkostnaður fyrir 2021 er.....	11.400 þús.

Fjármögnun

Landsliðsverkefni eru fjármögnuð með afreksstyrkjum frá Afrekssjóði ÍSÍ, með Lottó tekjum, af öðrum tekjum sambandsins og með styrkjum frá styrktaraðilum. Einnig greiða keppendur hluta kostnaðar við hverja ferð.

Fagteymi

Vegna smæðar sambandsins er ekki starfandi fagteymi hjá Karatesambandinu. Sambandið mun aðstoða keppendur með að útvega sjúkrahjálfa og íþróttasálfræðing eftir þörfum. Stefnt er að því að nýta sameiginlegt teymi ÍSÍ þegar því verður komið á fót.

Endurmat

Landsliðsþjálfari/landsliðsnefnd skilar stjórn KAÍ skýrslu á ári hverju þar sem síðasta ár er skoðað með tilliti til árangurs, eftirfylgni og áætlana. Landsliðsnefnd og stjórn meta stöðuna og halda eða breyta

áætlunum hverju sinni.

Aðilar og ábyrgð

Stjórn KAÍ hefur alla umsjón og ber ábyrgð á afreksstefnu sambandsins. Beinir aðilar að afreksstefnunni eru: Stjórn KAÍ, landsliðsnefnd, sérþjálfarar, karatefélögin og keppendur. KAÍ skal kynna keppendum hlutverk þeirra og væntingar sem gerðar eru til þeirra sem valdir eru í landslið sambandsins. KAÍ skal vinna að því að virkja það fólk sem kemur að afreksstefnunni, til að vinna jafnframt með hóp ungra og upprennandi afreksmanna.

Samþykkt á Karateþingi 24. Febrúar 2018.